

巫山縣志卷三十一

寺觀志 仙釋附

聖人云敬鬼神而遠之然神道設教治民者所不廢都會郡邑廟壇而外不少庵堂寺觀愚夫愚婦覩寶相莊嚴儼若臨之在上質之在旁隱然降災降祥足補

朝廷政刑之所不及所謂明治以禮樂幽治以鬼神也志

寺觀

峯崇寺在城內東北即僧會司元至正元年建明宣德年重建

巫山縣志

卷三十一

寺觀

國朝康熙年間夏世啟重修廣闊壯麗

秀峯寺在縣東北五里有二塔山巒環拱樹木蔚秀創自前明

廣福寺在縣西門外有石塔今廢

普濟寺在昌江渡口明成化中知縣錢潤重修道光二年洪水冲塌移置太平場上菩薩法身皆是銅鑄

石佛寺在縣西南四十里石佛三尊創自明正德二年

安溪寺朝陽寺均在治西南一百二十里

來佛寺在縣南一百三十里銅佛創自前明

百果寺在廢大昌東二十里白沙坡上有古峯觀  
雲臺寺在縣南一里來龍山有天公石像禱雨輒應下  
有龍池亦登眺之奇觀也

崇林寺在縣南三十里高山上

迴龍寺在縣西南三十里龍落坪

神女廟卽凝真觀在縣東四十里十二峯南飛鳳峯之  
麓元統志唐儀鳳元年置宋宣和四年改曰凝真觀紹  
興二十年封妙用真人

馬永卿記永卿自少時讀文選高唐等賦輒痛憤不平

巫山縣志

卷三十一

寺觀

二

曰甯有是哉且高真去人遠矣清濁淨穢萬萬不侔必  
亡是理思有以闢之病未能也後得二異書參較之然  
後詳其本末今按禹穴紀異及杜先生墉城集仙錄載  
禹導岷江至於瞿唐實爲上古鬼神龍蟒之宅及禹之  
至護惜窠穴作爲妖怪風沙晝暝迷失道路禹乃仰空  
而歎俄見神人狀類天女授禹太上先天呼召萬靈玉  
篆之書且使其臣狂章虞餘黃魘大翳庚辰童律爲禹  
之助禹於是能呼吸風雷役使鬼神開山疏水無不如  
志禹詢於童律對曰此西王母之女也受回風

禹

景鍊形飛化之道管治巫山禹至山下躬往謁謝親見  
神人倏忽之間變化不測或爲輕雲或爲霏雨或爲游  
龍或爲翔鶴旣化爲石又化爲人千狀萬態不可殫述  
禹疑之而問童律對曰上聖凝氣爲真與道合體非寓  
胎稟化之形乃西華少陰之氣也且氣之爲用彌綸天  
地經營動植大滿天地細入毫髮在人爲人在物爲物  
不獨化爲雲兩龍鶴而已僕始讀其書甚駭異之既而  
深思則皆合於易焉所謂西王母之女者則有合於坤  
爲母兌爲少女之說所謂變化不測者則有合於陰陽

巫山縣志

卷三十一

寺觀

三

不測妙萬物之義豈不灼灼明甚哉易之爲書與莊子  
多有合易者陰陽之書以九六爲數而南華開卷已有  
南鵬北鯤九萬六月之說概可見矣又莊子所載藐姑  
射之神人大似今之神女是其言曰肌膚若冰雪則有  
合乎金行之色綽約若處子則有合乎少陰之氣遊乎  
四海之外則可見乎神之無方使物不疵癘而年穀熟  
則又見乎秋之成物故郭象注云夫神人者卽今所謂  
聖人也斯得之矣僕因悟易之少女莊子之神人郭象  
之聖人今之神女其實一也僕然後知神女者一名

而無其形有其形而無其質不墮於數不囿於形超男女相出生滅法故能出有人無乍隱乍顯舉要言之乃西方皓靈七氣之中少陰之靈耳豈世俗所可窺哉且楚辭者文章之大淵藪也而屈宋爲之冠故離騷獨謂之經此蓋風雅之再變者宋雖小儒然亦其流亞自兩漢以來未有能繼之者今觀文選二賦比之楚辭陋矣試並讀之若奏桑濮於清廟之側非玉所作決矣故王逸哀類楚辭甚詳顧獨無此二賦自後歷代博雅之士益廣楚辭其稍有瓜葛者皆附屬籍唯此屢經前輩之

巫山縣志

卷三十一

寺觀

四

川三文

目每棄不錄益知其贗矣此蓋兩晉之後膚淺鯁生戲弄筆研剽聞雲雨之一語妄謂神女行是雲雨於陽臺之下殊不知雲雨卽神女也乃於神女之外別求所謂神女者其文疎謬可笑大率如此僕今更以信史質之懷襄孱主也與強秦爲鄰是時大爲所困破漢中轅上庸獵巫黔拔郢都燒夷陵勢益駸駸不已於是襄王乃東徙於陳其去巫峽遠甚此亦可以爲驗也且文選雜僞多矣昔齊梁小兒有僞爲西漢文者東坡先生止用數語破之何況戰國之文章傑然出西漢之上

偽

爲哉噫峽之爲江其異矣乎遠在中州之外而行於兩山之間其流湍駛而幽深故無灌溉之利若求之古人是蓋遠遁深居之士介然自守利不交物若鮑焦務光之徒今吾儕小人乃敢浮家泛宅沒世窮年播棄穢濁日夜喧闐其罪大矣神不汝殺亦云幸矣且峽旣介潔清閻如此乃陸海之三神山也是宜閻苑真仙指以爲離宮別館誕降爾眾之厚福故凡往來者旣濟矣當於此致謝未濟矣當於此致禱以無忘神之德云紹興十七年二月永卿赴官期道出祠下旣已祇謁若有神

寺觀

五

巫山縣志

卷三十一

物以鬱發僕之夙心者因備述之以大闡揚神之威命明辟且爲迎饗送神之詩用相祀事繫之碑末曰夔子之國山曰巫考驗異事聞古初有龍十二騰太虛仙宮適見嚴訶吁霹靂一聲反下祖化爲奇峯相與俱至今逸氣不盡除天矯尙欲升天衢壯哉絕境天下無宜爲仙聖之攸居仰惟高真握珍符鎮治名山奠坤隅昔禹治水何勤劬按行粵至萬谷區妖怪護惜紛恣睢風沙晝晦迷道塗神人親御八景輿授禹丹篆之靈書文命稽首受瑤圖手握造化幽明樞役使鬼神才斯

恐懼聽指呼巨鑿振響轟雷車回祿烈火山谷蒞墾闢  
頑很如泥塗岷江東去無停瀦倘非神人協禹謨懷襄  
正恐民其魚大功造成反清都朝遊閨苑暮逢壺呼吸  
日月飲雲腴頻視濁世嗟卑污江皋古廟像儲胥神兮  
幸此留脚蹻自古膏澤常霑濡逮今疲瘵蒙昭蘇巴峽  
野人貌瘠癯願降豐歲朝夕鋪出入樵採無於菟客舟  
性命寄須臾願賜神庥保厥軀往來上下無憂虞日則  
居兮月則諸繫嚴奉兮永不渝

李一鰲記余舫而東也偕馬君曹君歷數巉嶂千峭競

巫山縣志

卷三十一

寺觀

六

川百七二

秀徑抵飛鳳攀躋直上有坪兀突土人指點原峯飛鳳  
此古陽臺也後枕翠屏面拱集仙左揖朝雲右睇松巒  
六峯連袂於江東三峯聚首於水北共得九焉更隱三  
峯隔山之表深崆難探稱十二峯夫亦地映北斗星照  
熒鎮故奇異獸形巧繪聳出耳舊之古廟草封鳥集易  
神女爲龍王風雨不庇厦將就傾古蹟奇蹤付之荒莽  
矣余同馬君捐貲曹君獨主其事闢基芟翦鳩工創立  
神殿三楹獻殿三楹甯止棲神亦供舒覽說者謂宋玉  
賦雲雨祀神女也又謂治水有功祀雲華夫人

楚門戶翼軫分野兩巖雄峙錦江中橫疊翠層巒雲氣  
出沒驚濤澎湃喧兀訇訇散爲彩雲聚爲靈穎歸舸行  
艤上下呵護當屬何物夫非神之庇歟幻之則神女也  
昭之則雲華也總山靈江精融結變幻而不可窮詰神  
禹鑿通以後水妖震盪雲華底定功亦不在禹下水陰  
精也神女夫人陰屬也江水之靈也故祠以祀其佑此  
雄關險峽俾舫艫安瀾者不必辨爲神女爲夫人也廟  
成遊人亦有棲止俾覽者盼奇峯之聳峙壯若鐵騎千  
羣擊銀濤之東下湛爲天塹一派洵是天地巨靈屹然

巫山縣志

卷三十一

寺觀

七

百二關鎖古者英雄必據之區我明朝湯廖並力穎國  
階文共成一捷護此關門亦謂勢扼楚蜀之交甯獨大  
奇大異峯列十二天開錦圖歟哉余觀而返挽舟徹夜  
抵旦相與曹馬二君共嘯於驅熊之巔而時已告午矣  
又神女祠縣東一百二十里

又神女廟縣東甯河上

東井寺在縣東北半里許一名仁泉寺

鎮坪寺在縣西南一百二十里一名普安堂

龍泉寺在磊頭堡距大昌四十里

悟真寺在廢大昌縣東八十里

鎮峯寺縣東一百里

南陵觀在縣南二十五里南陵山頂

龍興觀在縣西南六十里

九龍觀縣東九十里

凌雲觀縣東筮篋山頂今改文峯觀

朝元觀在縣東北三十里

龍臺觀在縣東三十里

鳳凰觀在縣北五十里

巫山縣志

卷三十一

寺觀

八

興雲觀在廢大昌縣南里許

祖師觀在廢大昌縣西南三十里

興隆觀在廢大昌縣東六十里

三臺觀

仙臺觀縣東四十里

古峯觀

文峯觀在縣東筮篋山頂卽古凌雲觀乾隆己酉落成  
是年李安登鄉榜故形家以此山爲學宮文筆

高唐觀在城外西山上



仙鶴觀縣東一百六十里峯高萬丈

顯應觀縣東北一百八十里

五龍觀在大昌東二十五里

七星觀在天賜城山頂

青龍觀廢大昌西四十里

迴龍觀廢大昌西三十里

白雲觀在唐帽山頂

龜山觀廢大昌東四十五里

朝陽觀廢大昌城西二十五里

巫山縣志

卷三十一

寺觀

九

石柱觀上田堡西木子山頂生一石柱高插雲霄觀修其頂四圍絕壁僅一綫可通

水月菴在縣南城外今移西城內

北城菴在縣城內陽臺之上

麩子菴在縣東北三十里麩子和尚所建今廢

草堂菴在縣東南六十里培石山后杜工部阻水山行所建

金池庵在縣西南十里

玉皇閣在縣西二里

觀音閣在縣西城內

關帝廟後殿之右康熙五十九年巫營遊擊劉朝柱建乾隆二十八年邑令朱斐然重建今改爲武廟啟聖祠

仙釋

神女瑤姬真誥華林字容君爲南極元君紫微夫人王母第三女王媚蘭爲雲林右英夫人王母第十三女青娥字愈意爲紫微左宮夫人王母第二十女雲華上宮夫人名瑤姬王母第二十三女玉卮王母小女常遊東海過江上有巫山焉流連久之時大禹理水天風卒至

巫山縣志

卷三十一

寺觀

十

川文

禹因拜夫人求助夫人卽授禹策檄召鬼神之書按天中記載瑤姬炎帝少女未行而死葬於巫山之陽精神化爲瑤草注瑤草仙芝之屬也又按集仙錄云雲華夫人王母第二十三女名瑤姬受鍊神飛化之道常東海遊還過巫峽時大禹理水駐山下因與夫人相值拜而求助卽敕侍女授禹策召鬼神之書因命其神狂章虞餘黃魔大翳庚辰童律等助禹斷石疏波以循其流禹拜而謝焉因佐禹治水肖像廟中祀之是神女實有大功之正神也宋玉之言實不足信

十二溪女駐巫山之頂見玉笈藏書而事實無考

晉甘戰許旌陽弟子著紫團真經內云永鎮巫山蛟蜃  
餘孽劍仙甘戰

唐雷萬春爲陽臺土主道藏經云已封爲雷部之神見  
忠烈

五代後蜀黃萬戶十國春秋後蜀本傳少爲高唐觀道  
士學六丁法於道士張君常投一鐵鞭療病輒驗時戎  
州刺史文思輅亦有幻術能剪楮爲魚投盆內如生已  
而收萬戶鐵鞭歸去道由涪州鞭忽亡歸萬戶蜀主召

巫山縣志

卷三十一

寺觀

土

入宮以諸子示之萬戶乃指後主爲太子蜀主大奇之  
又能投符化鐵而食他術類此

宋張道清字得一一字蒲騷巫山人母王氏感異夢而  
孕宋紹興六年丙辰五月二十日毓於青牛山舍紫氣  
騰空遠近以爲異及長達性命禍福或數日不食一日  
入山半旬不返人往覘之則見臥於崑中有兩虎踞側  
里人驚之又一日寢覺告母曰適往復州里女兒吳家  
方歸大姨姐以絲履果食來獻翌日果然自是父母亦  
信其神異其後靈蹟屢著開禧五年七月五日

座作頌諭眾端坐而脫紹定四年加封真牧普應真人  
見真仙通鑑及奇聞類紀

明王玉峯不知何許人非釋非道萬歷年間居羊耳山  
修道以符水救人病巫山士庶爭敬之臨去有柳監生  
者求遺跡乃燒爐火取磚半塊頃刻鍊成百金仍留一  
角未化與之尋至夔郡人皆爭禮之太守以爲妖拘責  
之守遂大小便不通旋求玉峯乃愈後移建始縣居石  
通洞數載莫知所之

明果子和尙名文空字天元江西吉安府人終南山養

巫山縣志

卷三十一

寺觀

十一

靜四十年得悟能咒果以治病後因朝海至巫士民留  
之遂修秀峯寺以居直指陳公右手病不能舉食其咒  
果而痊主簿韓達有心疾亦以咒果療之俱豎碑於寺  
以表之生於洪武卒於弘治壽一百二十七歲其六代  
嗣法僧仁化仁胤俱童年祝髮性多愚鈍苦心積修徹  
悟後便能偈頌於康熙二十四年三月內預識歸期端  
坐而逝

明麩子和尙巫山人建菴於治東北岸三十里山半中  
靜坐焚修日只食麥麩因名歷年甚久及僧滅

無人對山居民夜間見菴中燈光閃爍者三年  
明如意和尚不通宗教苦行真誠萬歷年間募修朝陽  
洞匠需綿絮意出江募絮值有客壞舟晒絮江邊時暴  
雨將至客謂之曰爾能止雨絮聽爾取意向雨一拜其  
雨卽返人咸異之後坐化土人肖像祀之每遇旱迎求  
禱雨卽應

甘澤謠圓觀者大厯末洛陽惠林寺僧能事田園富有  
粟帛梵學之外音律貫通時人以富僧爲名而莫知所  
自也李諫議源公卿之子當天寶之際以遊宴歌酒爲

巫山縣志

卷三十一

寺觀

三

務父愷居守陷於賊中乃脫粟布衣止於惠林寺悉將  
家業爲寺公財寺人日給一器食一杯飲而已不置僕  
使絕其知聞惟與圓觀爲忘年交促膝靜話自旦及昏  
時人以清濁不倫頗招譏誚如此三十年二公一旦約  
遊蜀州抵青城峩眉訪道求藥圓觀欲遊長安出斜谷  
李公欲上荊州三峽爭此兩途半年未決李公曰吾已  
絕世事豈取途兩京圓觀曰行固不由人請出從三峽  
而去遂自荊州路舟次南浦見婦人錦褱負罌而汲圓  
觀望而泣下曰某不欲至此恐見其婦人也

之曰自此峽來此徒不少何獨泣此數人圓觀曰其中  
孕婦王姓者吾當爲之子孕三歲矣吾不來故不得乳  
今旣見無可逃者公當以符咒助我速生三日浴兒時  
願公臨我以笑爲信後十三年中秋月夜杭州天竺寺  
外當與公相見李悲悔而爲具沐浴是服是夕圓觀亡  
而婦乳三日往視之兒見李果笑具以語王氏出家財  
葬圓觀明日李公迴棹歸惠林問其徒則旣有治命矣  
後十三年自洛適吳赴其所約聞葛洪川畔有牧童叩  
牛角而歌之曰三生石上舊精魂賞月吟風不要論慚

巫山縣志

卷三十一

寺觀

古

愧情人遠相訪此身雖異性長存李公就謁曰觀公健  
否答曰李公眞信士但願勤修不墮乃復相見又歌曰  
身前身後事茫茫欲話因緣恐斷腸吳越溪山尋已徧  
卻迴煙棹上瞿唐遂去不知所之後二年李德裕奏源  
忠臣子篤孝拜諫議大夫不就竟死寺中年八十府志作僧  
圓澤

羅道人不知何許人嘉慶年間止於巫邑神女祠馬王  
廟往來巫山大昌有異術能以符咒治病時有孕婦當  
生產久不下往求之未及至則云某來求我已也

及歸問之果符所云生平嗜酒能書與大昌紀姓書一  
聯云海底魚龍應變天邊鸞鳳正飛字爲龍蛇體且云  
能避水火後當有驗道光初年山水大至房舍均圯惟  
掛聯一室巋然獨存一日渡江眾謂勿動彼乃跳盪眾  
大恐彼遂躍入駭浪眾謂其死也越十年有樵者見之  
十二峯荆榛中酣眠形容不異先時後不知所之